



Broj/Broj: 01/a -50 – 1 – 15 - 61/09
Sarajevo/Sarajevo, 30. septembra 2009.

DOM NARODA
PARLAMENTARNE SKUPŠTINE
BOSNE I HERCEGOVINE

PREDMET: O b a v j e š t e n j e

Predstavnički dom Parlamentarne skupštine BiH je, 30. septembra 2009., održao 61. sjednicu. Na sjednici su, uz ostalo, razmatrani materijali koji su u nadležnosti i Doma naroda, o čemu Vas obavještavamo kako slijedi:

1. Izjašnjavanje o Prijedlogu zakona o poštama BiH, predlagač: Vijeće ministara BiH (drugo čitanje);
2. Prijedlog zakona o primjeni Rimskog statuta Međunarodnog krivičnog suda i saradnji sa Međunarodnim krivičnim sudom, predlagač: Vijeće ministara BiH (drugo čitanje);
3. Prijedlog zakona o izmjenama i dopunama Zakona o Pravobranilaštvu BiH, predlagač: Vijeće ministara BiH (drugo čitanje);
4. Prijedlog zakona o slobodnim zonama u BiH, predlagač: Vijeće ministara BiH (drugo čitanje);
5. Prijedlog zakona o izmjenama i dopunama Zakona o upravi, predlagač: Vijeće ministara BiH (prvo čitanje);
6. Prijedlog zakona o izmjenama i dopunama Zakona o krivičnom postupku BiH (prvo čitanje);
7. Prijedlog zakona o Agenciji za prevenciju korupcije i koordinaciju borbe protiv korupcije, predlagač: Vijeće ministara BiH (prvo čitanje);
8. Izvještaj o izvršenju Budžeta institucija BiH i međunarodnih obaveza BiH za 2008. godinu, podnosilac: Predsjedništvo BiH;
9. Izvještaj Ureda za reviziju institucija BiH o reviziji Izvještaja o izvršenju Budžeta institucija BiH za 2008. godinu, podnosilac: Ured za reviziju institucija BiH;
10. Izvještaj iz oblasti poljoprivrede za Bosnu i Hercegovinu za 2008. godinu, podnosilac: Vijeće ministara BiH;
11. Informacija o usvojenim mjerama za ublažavanje negativnih efekata globalne ekonomske krize u Bosni i Hercegovini, materijal Vijeća ministara BiH;
12. Imenovanje tri poslanika iz Predstavničkog doma u Zajedničku komisiju radi usaglašavanja identičnog teksta Zakona o izmjenama i dopunama Zakona o osnovama sigurnosti saobraćaja na putevima u BiH;
13. Imenovanje članova u Interresornu radnu grupu za pripremu Prijedloga zakona o izmjenama i dopunama Izbornog zakona BiH i Prijedloga zakona o izmjenama i dopunama Zakona o finansiranju političkih stranaka;
14. Usvajanje zaključka o upućivanju delegacije Parlamentarne skupštine BiH u posjetu predsjedavajućem i tijelima Evropskog parlamenta radi prezentiranja ostvarivanja obaveza iz Mape puta za liberalizaciju viznog režima
15. Davanje saglasnosti za ratifikaciju;

- a) Sporazuma o zajmu između Bosne i Hercegovine i Međunarodne banke za obnovu i razvoj – Drugi projekat upravljanja čvrstim otpadom,
- b) Sporazuma o finansiranju između Bosne i Hercegovine i Međunarodne asocijacije za razvoj (IDA) - Drugi projekat upravljanja čvrstim otpadom,
- c) Sporazuma o finansiranju između BiH i Komisije Evropskih zajednica o programu finansiranja učešća BiH u ERDF-ovim evropskim programima međunarodne teritorijalne saradnje „Jugoistočna Evropa“ i „Mediterran“ na osnovu instrumenta za pretpristupnu pomoć (IPA), komponenta prekogranične saradnje za 2008. godinu,
- d) Sporazuma između Vijeća ministara BiH i Vlade Savezne Republike Njemačke o finansijskoj saradnji u 2007. godini.

Ad.1.

Predstavnički dom nije usvojio Prijedlog zakona o poštama BiH.

Ad.2.

Zakon o primjeni Rimskog statuta Međunarodnog krivičnog suda i saradnji s Međunarodnim krivičnim sudom usvojen je u drugom čitanju.

Ad.3.

Zakon o izmjenama i dopunama Zakona o Pravobranilaštvu BiH usvojen je u drugom čitanju s dva amandmana koji glase:

Amandman I.

U Prijedlogu zakona o izmjenama i dopunama Zakona o Pravobranilaštvu BiH član 1. Briše se.

Amandman II.

Član 2. Prijedloga zakona o izmjenama i dopunama Zakona o Pravobranilaštvu BiH postaje član 1. i glasi:

"U Zakonu o Pravobranilaštvu Bosne i Hercegovine ("Službeni glasnik BiH", br. 08/02, 10/02 i 44/04) u članu 3. u stavu (1) riječi: "deset godina" mijenjaju se riječima: „osam godina nakon položenog pravosudnog ispita“.

U stavu (2) iza riječi: "pet godina" dodaju se riječi: "nakon položenog pravosudnog ispita".

Ad.4.

Predstavnički dom je usvojio Zakon o slobodnim zonama u BiH u drugom čitanju, sa četiri amandmana koji glase:

Amandman I.

U članu 12. riječi: „u roku od 12 mjeseci“ zamjenjuju se riječima: „u roku od 24 mjeseca“.

Amandman II.

U članu 15. stava (1) u tački a) riječi: „u roku od 12 mjeseci“ zamjenjuju se riječima: „u roku od 24 mjeseca“.

Amandman III.

U članu 19. dodaje se novi stav (2) koji glasi:

„(2) Entiteti i Brčko Distrikt BiH usaglasiti će svoje propise u roku od tri mjeseca od dana stupanja na snagu ovog zakona.“

Amandman IV.

U članu 20. riječi: „šest mjeseci“ zamjenjuje se riječima: „tri mjeseca“.

Ad.5.

Predstavnički dom usvojio je Prijedlog zakona o izmjenama i dopunama Zakona o upravi u prvom čitanju.

Ad.6.

Prijedlog zakona o izmjenama i dopunama Zakona o krivičnom postupku BiH usvojen je u prvom čitanju.

Ad.7.

Predstavnički dom usvojio Prijedlog zakona o Agenciji za prevenciju korupcije i koordinaciju borbe protiv korupcije u prvom čitanju.

Ad.8.

Predstavnički dom je usvojio Izvještaj o izvršenju Budžeta institucija BiH i međunarodnih obaveza BiH za 2008. godinu.

Ad. 9.

Predstavnički dom usvojio je Izvještaj Ureda za reviziju institucija BiH o reviziji Izvještaja o izvršenju Budžeta inistucija BiH za 2008. godinu, s mišljenjem nadležne Komisije za finansije i budžet.

Ad. 10.

Predstavnički dom usvojio je Izvještaj iz oblasti poljoprivrede za Bosnu i Hercegovinu za 2008. godinu, podnosilac: Vijeće ministara BiH.

Nakon rasprave, usvojen je sljedeći zaključak:

Zadužuje se Vijeće ministara BiH da u roku od 60 dana uradi mjere za poboljšanje stanja u poljoprivredi, a posebno mjere koje će povećati pokrivenost uvoza – izvozom poljoprivrednih proizvoda.

Ad.11.

Predstavnički dom odgodio je raspravu o Informaciji o usvojenim mjerama za ublažavanje negativnih efekata globalne ekonomske krize u Bosni i Hercegovini, zbog neprisustva predlagača navedenog materijala.

Ad. 12.

Predstavnički dom imenovao je poslanike: **Slavka Matića, Branka Dokića i Šemsudina Mehmedovića** u Zajedničku komisiju oba doma radi usaglašavanja identičnog teksta Zakona o izmjenama i dopunama Zakona o osnovama sigurnosti saobraćaja na putevima u BiH.

Ad. 13.

U Interresornu radnu grupu za pripremu Prijedloga zakona o izmjenama i dopunama Izbornog zakona BiH i Prijedloga zakona o izmjenama i dopunama Zakona o finansiranju političkih stranaka, Predstavnički dom imenovao je poslanike: **Šefika Džaferovića, Milorada Živkovića i Niku Lozančića.**

U toku rasprave usvojen je i sljedeći zaključak:

U skladu sa usvojenim zaključcima Predstavničkog doma Parlamentarne skupštine BiH sa 53. sjednice održane 13. maja 2009., povodom rasprave o Izvještaju o provođenju zakona u nadležnosti Centralne izborne komisije BiH, ovlašćuje se Centralna izborna komisija BiH da, kao nosilac posla, pristupi aktivnostima formiranja Interresorne radne grupe i za izmjene i dopune Zakona o finansiranju političkih stranaka.

Ad. 14.

Predstavnički dom usvojio je zaključak o upućivanju delegacije Parlamentarne skupštine BiH u posjetu predsjedavajućem i tijelima Evropskog parlamenta radi prezentiranja ostvarivanja obaveza iz Mape puta za liberalizaciju viznog režima, koji glasi:

- 1. Uz pomoć MVP-a i ambasade BiH u Briselu, bit će organiziran sastanak delegacije Parlamentarne skupštine BiH s predsjednikom (ili zamjenikom predsjednika) Evropskog parlamenta i relevantnih odbora Evropskog parlamenta.**
- 2. Cilj sastanka je prezentiranje postignutih rezultata u ispunjavanju obaveza iz Mape puta za liberalizaciju viznog režima za BiH. Posebno je važno, prilikom ovih razgovora, istaći očekivanja da će se, nakon postignutih rezultata, podržati prijedlog o uvrštavanju BiH u grupu zemalja za koje je predložen „bijeli šengen“ jer bi to bilo priznanje za ispunjenje teških uslova i dodatni poticaj za provođenje onoga što je usvojeno.**

3. Delegaciju čine sljedeća tri člana:
- predsjedavajući Predstavničkog doma,
 - predsjedavajući Doma naroda,
 - predsjedavajući (ili zamjenik) Zajedničke komisije za evropske integracije.
4. Delegacija Parlamentarne skupštine BiH će pomenutu posjetu realizirati najkasnije do kraja oktobra.

Ad. 15.

Predstavnički dom je dao saglasnost za ratifikaciju:

- a) Sporazuma o zajmu između Bosne i Hercegovine i Međunarodne banke za obnovu i razvoj – Drugi projekat upravljanja čvrstim otpadom,
- b) Sporazuma o finansiranju između Bosne i Hercegovine i Međunarodne asocijacije za razvoj (IDA) - Drugi projekat upravljanja čvrstim otpadom,
- c) Sporazuma o finansiranju između BiH i Komisije Evropskih zajednica o programu finansiranja učešća BiH u ERDF-ovim evropskim programima međunarodne teritorijalne saradnje „Jugoistočna Evropa“ i „Mediterran“ na osnovu instrumenta za pretpristupnu pomoć (IPA), komponenta prekogranične saradnje za 2008. godinu,
- d) Sporazuma između Vijeća ministara BiH i Vlade Savezne Republike Njemačke o finansijskoj saradnji u 2007. godini.

PREDSJEDAVAJUĆI
PREDSTAVNIČKOG DOMA
dr. Milorad Živković, s.r